



1036

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Bosna i Hercegovina
Federacija Bosne i Hercegovine
KANTON SARAJEVO

PREMLJENO: 24-05-2023			
Organizaciona jedinica	Klasifikacija	Redni broj	Broj prijuga
15	04	13651	36

Broj: 14-02-04-02212/23
Datum: 19. 05. 2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 SARAJEVO
N/r Elvedin Okerić

PREDMET: Odgovor na zastupničko pitanje, dostavlja se;
VEZA: Vaš akt, broj: 01-04-1365-22/23 od 26.04.2023.godine

Poštovani,

U skladu sa Vašim aktom, broj i datum veze, koji se tiče zastupničkog pitanja zastupnice Danijele Kristić, postavljenog na sedmoj radnoj sjednici Skupštine Kantona Sarajevo, održanoj dana 19.04.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a koje glasi:

" Poštovani,

dana 08.12.2022. godine u prostorijama Federalnog ministarstva energije, rudarstva i industrije u Mostaru održan je redovni godišnji sastanak federalnih i kantonalnih inspekcija i nadležnih institucija koje obavljaju poslove u oblasti posuda pod pritiskom, te sigurnosti i inspekcije liftova kojem je prisustvovao glavni kantonalni tehnički inspektor iz Kantonalne uprave za inspekcijske poslove Kantona Sarajevo.

Molim da me izvjestite o sadržaju sastanka, te da li su dogovoreni konkretni koraci ka rješavanju pitanja i nadležnosti inspekcijskog nadzora u oblasti kontrole liftova u stambenim objektima.",

dajemo sljedeći odgovor:

Dana, 08.12.2022. godine održan je sastanak u prostorijama Federalnog ministarstva energije, rudarstva i industrije u Mostaru, sa temom: "Aktuelna stanja i problematika vezana za posude pod pritiskom i sigurnost liftova", a koji je organizovala Federalna uprava za inspekcijske poslove.

Cilj sastanka bio je razmjena iskustava i predlaganje daljih aktivnosti u cilju realizacije problema vezano za preciziranje nadležnih inspekcija za oblast posuda pod pritiskom i u oblasti sigurnosti liftova.

U konkretnom slučaju, glavni inspektor Inspektorata tehničke inspekcije pozvan je radi rješavanja problematike Zakona o termoenergetici - posude pod pritiskom, odnosno rješavanje pitanja provedbe Uredbe za opremu pod pritiskom, na osnovu koje je trebao biti i donešen Zakon na entitetskom nivou. Obzirom da je bila formirana komisija za izradu Zakona za opremu pod pritiskom od strane Federalnog ministarstva energije, rudarstva i industrije, te da je predsjednik komisije preminuo stao je rad na izradi ovog zakona.

Napomene radi, u 2020. godini radna grupa je poslala inicijativu ministru Federalnog ministarstva energije, rudarstva i industrije da se aktivira rad na navedenom Zakonu.

Kada je u pitanju oblast sigurnosti liftova, Naredbom o liftovima, Ministarstva vanjske trgovine i ekonomskih odnosa Bosne i Hercegovine data je nadležnost entitetima, odnosno nadležnim inspeksijskim organima Federacije BiH, Republike Srpske i Brčko Distrikta BiH, a da se nije jasno preciziralo koja je inspekcija nadležna za ovu oblast.

Na osnovu cjelokupne utvrđene problematike na navedenom sastanku doneseni su sljedeći zaključci:

1. Da se uputi inicijativa prema Vladi Federacije BiH i Federalnom ministarstvu energije, rudarstva i industrije da se donese zakon za oblasti posuda pod pritiskom koji će biti usklađen sa propisima BiH i EU (a koji će između ostalog urediti i pitanja za koje posude pod pritiskom je nadležna Federalna, a za koje kantonalna inspekcija)
2. Da se donesu propisi, odnosno izmjene i dopune u postojećim propisima u smislu jasnog utvrđivanja nadležnih inspekcija za nadzore u oblasti sigurnosti liftova, a koji bi bili „alati“ za kvalitetnije uređenje ovih oblasti u kontrolnim organima na razini Federacije, a kantonima dali veći značaj u ovoj oblasti;
3. Da se izvrši nužno popunjavanje nedostajućim kadrovima, te nastaviti međusobnu saradnju federalnih i kantonalnih inspekcija i drugih relevantnih institucija u razmjeni iskustava, informacija, a sve sa ciljem ujednačenog i zakonitog postupanja, te omogućavanja veće sigurnosti i zadovoljstva korisnika usluga.

S poštovanjem,

Dostavljeno:

1. Naslovu
2. Premijer Vlade Kantona Sarajevo
- ③ Sekretar Skupštine Kantona Sarajevo
4. Sekretar Vlade Kantona Sarajevo
5. a/a



V.D. DIREKTOR

Adis Mesic